

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ  
ԲՈՂՈՔՆԵՐ ՔՆՆՈՂ ԱՆՁ**

**ՀԱՅՏԱՐԱՐՈՒԹՅՈՒՆ**

**ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ**

**Բողոքի ծածկագիրը և ամսաթիվը՝** ԳԲՔԱ-ԼՕ-2019/79, 01.11.2019թ.

**Բողոք բերող անձ՝** «Փրոմոուշն» ՍՊԸ

**Պատվիրատու՝** ՀՀ տնտեսական մրցակցության պաշտպանության պետական

հանձնաժողով

**Գնման ընթացակարգի ծածկագիրը՝** «ՀՀ ՏՄՊՊՀ-ԳՀԾՁԲ-19/9» գնանշման հարցում

**Գնման առարկան՝** մասնագիտացված կազմակերպությունների կողմից մատուցվող ծառայությունների ձեռքբերում

**Բողոքի պահանջը՝** Պարտավորեցնել՝

1. Դադարեցնել «ՏՄՊՊՀ-ԳՀԾՁԲ-19/9» ծածկագրով գնման ընթացակարգի գնահատող հանձնաժողովի կողմից կայացված՝ N 2 արձանագրության 5.1-կետով N 3 արձանագրության 2-րդ կետով կայացված որոշումները:
2. Չկայացած հայտարարել գնման ընթացակարգը:

## ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

### ՔԱՐՏՈՒՂԱՐ՝ Ռ.ՄԿՐՏՉՅԱՆ

**Նիստերին կարելի է առցանց հետևել <https://www.e-gov.am/gnumner/> հղումով.**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:



**«ՀՀ Գնումների հետ կապված բողոքներ քննող անձին  
Հասցե՝ ք. Երևան, Մելիք-Աղամյան փող.1**

**Բողոք ներկայացնող անձ՝  
«Փրոմոուշն» ՍՊԸ-ի տնօրեն Կարեն Մկրտչյան  
Հասցե՝ ՀՀ, ք. Երևան, Սունդուկյան 15Ա, բն. 26  
Էլ. փոստ՝ info@epromotion.am  
Հեռ: +37498389689**

**Պատվիրատու՝ ՀՀ տնտեսական մրցակցության  
պաշտպանության պետական հանձնաժողով  
Հասցե՝ ՀՀ, ք. Երևան Միեր Մկրտչյան 5**

**Գնման ընթացակարգի ծածկագիրը՝ ՀՀ ՏՄՊՊՀ-ԳՀԾՁԲ-19/9  
Գնման ընթացակարգի առարկան՝  
մասնագիտացված կազմակերպությունների կողմից  
մատուցվող ծառայությունների ձեռքբերում**

## **Բ Ո Ղ Ո Ք**

### **1. Բողոքի առարկան**

Սույն թվականի հոկտեմբերի 15-ին մասնագիտացված կազմակերպությունների կողմից մատուցվող ծառայությունների ձեռքբերման նպատակով ՀՀ տնտեսական մրցակցության պաշտպանության պետական հանձնաժողովի /այսուհետ՝ Պատվիրատու/ կողմից հայտարարվել է ՀՀ ՏՄՊՊՀ-ԳՀԾՁԲ-19/9 ծածկագրով գնանշման հարցման ընթացակարգ /այսուհետ՝ Ընթացակարգ/, որին մասնակցության հայտ են ներկայացրել «Լաճ Գրուպ», «Աուքսորս» և «Փրոմոուշն» սահմանափակ պատասխանատվությամբ ընկերությունները: Ընթացակարգի հայտերի բացման նիստի վերաբերյալ 2019 թվականի հոկտեմբերի 22-ի թիվ 2 արձանագրության /կցվում է/ 5<sup>րդ</sup>-րդ կետով Ընթացակարգի գնահատող հանձնաժողովի կողմից որոշում է կայացվել ընտրված մասնակցի ճանաչել «Լաճ Գրուպ» ՍՊԸ-ին, իսկ Ընթացակարգի հայտերի գնահատման նիստի վերաբերյալ 2019 թվականի հոկտեմբերի 28-ի թիվ 3 արձանագրության /կցվում է/ 2-րդ կետով որոշում է կայացվել կնքել պայմանագիր «Լաճ Գրուպ» ՍՊԸ-ի հետ: «Փրոմոուշն» ՍՊԸ-ն /այսուհետ՝ Ընկերություն/ համաձայն չէ Ընթացակարգի գնահատող հանձնաժողովի կողմից ընդունված որոշումների հետ և գտնում է, որ այն հիմնավորված չէ:

### **2. Բողոքի փաստացի և իրավական հիմքերը**

2.1. Ընթացակարգի իրավերի վերլուծությունից հետևում է, որ Պատվիրատուն ընթացակարգը կիրառելիս հիմք է ընդունել «Գնումների մասին» ՀՀ օրենքի /այսուհետ՝ Օրենք/ 15-րդ հոդվածի 5-րդ մասը, որի համաձայն.

«Եթե գնման գինը գերազանցում է տվյալ ժամանակահատվածում այդ գնումը կատարելու համար նախատեսված ֆինանսական հատկացումների չափը, ապա պայմանագիր կնքվելու դեպքում տվյալ ժամանակահատվածին հաջորդող ժամանակահատվածում նախատեսվում են ֆինանսական միջոցներ գնման



պայմանագրով սահմանված գնումն իրականացնելու կամ տվյալ գնումը ժամանակավորապես դադարեցնելու համար»: Մինևույն ժամանակ Օրենքի 2-րդ հոդվածի 1-ին մասի 24-րդ ենթակետը սահմանում է, որ **գնման գինը** ապրանքը, աշխատանքը, ծառայությունը ձեռք բերելու համար Հայաստանի Հանրապետության կառավարության սահմանած կարգով հաշվարկված նախահաշվային գինն է:

Ցանկանում ենք բողոքներ քննող անձի ուշադրությունը հրավիրել այն հանգամանքի վրա, որ Պատվիրատուի գնման պլանում տվյալ ընթացակարգի համար սահմանված նախահաշվային գինը կազմել է 300 000 ՀՀ դրամ: Փաստացի Ընթացակարգի երեք մասնակիցների ներկայացված գնային առաջարկները գերազանցել են Պատվիրատուի կողմից տվյալ Ընթացակարգի համար սահմանված նախահաշվային գինը: Մինչդեռ Ընթացակարգի գնահատող հանձնաժողովի 2019 թվականի հոկտեմբերի 22-ի թիվ 2 արձանագրության մեջ նշված չէ գնման ընթացակարգի նախահաշվային գինը, չնայած այն հանգամանքի, որ Հրավերի 1-ին մասի 7.1-րդ կետի 2-րդ պարբերությունը սահմանում է, որ **հայտերի բացման նիստում հանձնաժողովի նախագահը (նիստը նախագահողը) նիստը հայտարարում է բացված և հրապարակում է գնման հայտով սահմանված՝ սույն ընթացակարգի շրջանակում գնվելիք ծառայությունների գինը՝ մեկ թվով արտահայտված, ինչպես նաև հայտեր ներկայացրած մասնակիցների գնային առաջարկները՝ մեկ թվով արտահայտված, հիմք ընդունելով փառերով գրվածը**: Իսկ ՀՀ կառավարության 2017թ.-ի հունիսի 1-ի թիվ 526-Ն որոշման 1-ին կետով հաստատված կարգի 40-րդ կետի 5-րդ ենթակետը, որ սահմանում է, որ ոչ գնային պայմանները բավարարող գնահատված բոլոր մասնակիցների հետ վարվում են միաժամանակյա բանակցություններ, եթե առաջարկված նվազագույն գների հավասար են կամ **եթե ոչ գնային պայմանները բավարարող գնահատված հայտեր ներկայացրած բոլոր մասնակիցների ներկայացրած գնային առաջարկները գերազանցում են տվյալ ընթացակարգի շրջանակում գնվելիք ապրանքների, աշխատանքների կամ ծառայությունների գնման հայտով սահմանված գինը** կամ գնումն իրականացվում է օրենքի 15-րդ հոդվածի 6-րդ մասի հիման վրա: Տվյալ պարագայում առկա չէ վերը թվարկված հիմքերից և ոչ մեկը:

Վերը նշված իրավանորմերի վերլուծությունից ակնհայտ է, որ Ընթացակարգի մասնակիցների հետ պետք է վարվեն գների նվազեցման միաժամանակյա բանակցություններ, ինչը չի իրականացվել, որի արդյունքում խախտվել են Ընկերության շահերը:

**2.2.** Ընթացակարգի անցկացման ընթացքում թույլ են տրվել մի շարք խախտումներ, մասնավորապես.

ա) հայտերի բացման նիստի վերաբերյալ Ընթացակարգի գնահատող հանձնաժողովի 2019 թվականի հոկտեմբերի 22-ի թիվ 2 արձանագրության 5.1-րդ կետով որոշում է կայացվել «Լաճ Գրուպ» ՍՊԸ-ին ճանաչել **ընտրված մասնակից**, մինչդեռ Ընթացակարգի մասնակիցը կարող է ճանաչվել **ընտրված** միայն այն դեպքում, երբ գնահատման նիստի արդյունքներով վերջինիս որակավորումը գնահատվում է բավարար: Տվյալ դեպքում մասնակից պետք է դեռևս ճանաչվեր միայն որպես 1-ին տեղ զբաղեցնող.

բ) Հրավերում առկա պայմանագրի նախագծի վճարման ժամանակացուցով սահմանված է, որ վճարումները 100%-ով կիրականացվեն 2019 թվականի նոյեմբեր և դեկտեմբեր ամիսներին, ինչը հակասում է հրավերի տրամանաբանությանը այնքանով, որ տվյալ դեպքում կիրառվել է Օրենքի 15-րդ հոդվածի 5-րդ մասի դրույթները և տվյալ տարում վճարման է ենթակա միայն պայմանագրի արժեքի միայն մի մասը: Տվյալ պարագայում անհասկանալի է՝ ինչ սկզբունք է կիրառել Պատվիրատուն:

գ) Հրավերի 1-ին մասի 7.26-րդ կետի համաձայն.

**«Ընտրված մասնակցին որոշելու նիստի ավարտին հաջորդող աշխատանքային օրը հանձնաժողովի քարտուղարը՝...**



2) Համակարգի միջոցով ընթացակարգի մասնակիցների էլեկտրոնային փոստին ուղարկում է գնահատման արդյունքների մասին հանձնաժողովի նիստի արձանագրությունը:»։ Տվյալ պարագայում Պատվիրատուի կողմից չի պահանջվել վերը նշված նորմի պահանջները և մեր Ընկերություն պատշաճ չի ծանուցվել Ընթացակարգի ընթացքի և կայացված որոշումների մասին, ինչը փաստացի զրկել է Ընկերությանը ժամանակին արձագանքել Պատվիրատուի կողմից կայացված որոշումներին:

### 3. Բողոքի պահանջը.

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասին 1-ին ենթակետով խնդրում եմ.

1. Դադարեցնել ՀՀ ՏՄՊՊՀ-ԳՀԾՁԲ-19/9 ծածկագրով գնման ընթացակարգի գնահատող հանձնաժողովի կողմից կայացված՝ N 2 արձանագրության 5.1-կետով N 3 արձանագրության 2-րդ կետով կայացված որոշումները:

2. Չկայացած հայտարարել գնման ընթացակարգը:

Կից ներկայացնում եմ.

1. Բողոքարկման վճարի անդորրագրի պատճենը՝

2. ՀՀ ՏՄՊՊՀ-ԳՀԾՁԲ-19/9 ծածկագրով գնման ընթացակարգի հայտարարությունը:

3" ՀՀ ՏՄՊՊՀ-ԳՀԾՁԲ-19/9 ծածկագրով գնման ընթացակարգի հանձնաժողովի նիստերի NN 2 և 3 արձանագրությունների պատճենները.

4. Պատվիրատուի գնման պլանից քաղվածքը:

5. Անձը հաստատող փաստաթղթի պատճենը:

Առդիր 9 թերթ:

Բողոքը ներկայացնող անձ



Կ. Մկրտչյան

01.11.2019թ.